

# Radund 40 deputads renunzian ad ina reelecziun

Elecziuns cirquitalas 2018 cun numerusas mutaziuns personalas

DA MARTIN CABALZAR

■ Era sche radund ina terza da las deputadas e dals deputads actuals han annunzià ch'els renunzian ad ina reelecziun n'èsi strusch da quintar cun ina terratrembel politic tar las elecziuns cirquitalas da quest onn en il Grischun. Per ina gronda stabilitad procuran numnadain la repartiziun actuala dal chantun en 39 circuls electorals ed il sistem da votar da maiorz. Tuttina pudesi dar quest onn enqual surpraisa cunzunt en il bloc burgais.

## Nova repartiziun dals mandats sin ils circuls electorals

Ils 120 mandats dal cussegl grond vegnan repartids sin ils 39 cumins a basa da la populaziun svizra. En otg circuls datti quest onn ina spustada da mandats. Ils circuls dals Tschintg Vitgs, Foppa, Claustra e Suot Tasna gudognan mintgamai in mandat, ils circuls Cadi, Engiadina Auta, Sut Tasna e Surses perdan mintgamai in mandat. Plinavant quinta da nov la fracziun da Mut tar il circulo da Tusaun enstagl d'Alvaschain. La nova vischnanca da Breil che consista suenter la fusiun da las fracziuns Breil, Vuorz ed Andiast appartegn da nov al circulo da Rueun, entant che Breil appartegnava fin qua a la Cadi. Gia en connex cun la fusiun da Sursassa Mundaun è la nova vischnanca vegnida integrada en il circulo da la Foppa che ha ussa sis mandats.

## Ina gronda sfida per la Partida burgais-democratica

Ina gronda sfida vegnan las elecziuns cirquitalas da quest onn ad esser cunzunt per la Partida burgais-democratica. Dals 27 represchentants actuals han radund la mesadad inoltrà lur demissiun damai ch'els èn stads blers onns en il cussegl u/e han cuntanschi la vegliadetgna da pensiun. Tranter ils demissionants èn era intgins nums prominents sco ils anteriurs parsuras dal cussegl grond Leo Jecker ed Ueli Bleiker u originals sco Robert Heinz u Heinz Dudli, Richard Casty, Roger Vetsch ed Elisabeth Mani-Heldstab. Pliost sorprendentas èn era las demissions dad Andy Kollegger ed Andreas Felix che ristga da restar senza mandat politic sch'el na vegn betg elegi en la regenza grischuna.

Avant quatter onns era la situaziun en quest regard anc confortabla cun mo trais demissions. Uschia èsi schizunt reussì a la pbd d'acquistar il 2014 in mandat supplementar en congual cun 2010.

Malgrà questa situaziun da partenza onz difficila è il schef da fracziun Gian Michael optimistic da pudair mantegnair il dumber actual. Ins haja buns candidats novs ed il maiorz favuriseschia la pbd, constatescha Michael. Per la pbd grischuna en tant las elecziuns da la regenza sco dal cussegl grond impurtantas damai ch'ellas èn er in impurtant signal per l'avegnir da la partida sin plau naziunal.



Era tar questas elecziuns vegn il cussegl grond a midar sia fatscha, radund ina terza ha demissionà.

FOTO M. HARTMANN

## Pcd cumbatta cunter la digren dals ultims onns

Per la pcd han las elecziuns cirquitalas purtà las ultimas giadas in vent ualti criv. Aveva la pcd anc 2002 betg manc che 40 deputadas e deputads ed era uschia la gronda fracziun è quest dumber sa reduci constantamain da 40 sin 35 (2006) sin 33 (2010) e sin 31 (2014). Era tar la pcd renunzian ils dus anteriurs presidents dal cussegl grond Hans Geisseler e Vitus Dermont ad ina reelecziun. Renunziar sto la Surselva a Heinrich Berther, Daniel Blumenthal, Margrit Darms ed Aurelio Casanova. Ina rotaziun pli gronda datti er en ils circuls da Razén e Tschintg Vitgs. A Razén va la pcd en l'offensiva ed ha gia nominà sis candidats per sis posts. Sper ils deputads da fin qua Remo Cavegn, Elita Florin Caluori e Cornelia Märchy-Caduff vegnan purtads da nov il parsura da Razén Reto Loeffle, il parsura da Domat Erich Kohler e Phillip Ruckstuhl. Demissionà han Elmar Foffa e Theo Joos. En Lumnezia fa Daniel Blumenthal plaz a Gian Derungs ch'è vegni nominà dals giuvenns. Cuntrari a ses cuntercandidats per la regenza Peyer e Felix candidescha Marcus Caduff vinavant sco deputà en Lumnezia. Pli dir per la pcd è il terren en las vals talianas ed en il Grischun central. La Cadi ha da remplazzar Heinrich Berther ed Ervin Degonda ch'è mort en uffizi. La pcd Cadi nominescha ils 28 da mars, la Foppa ils 6 da mars. Sin eventuals gudogns speculescha la pcd en il Scanvetg ed en Engiadina Auta nua che la pcd ha pers l'ultima giada.

## Pps va totalmain en l'offensiva per nizzegiar ses entir potenzial

L'ultima giada (2014) ha la pps pudì augmentar sia delegaziun da quatter sin nov mandats. Cunzunt a Cuira ed en ils Tschintg Vitgs quinta la pps anc pudair gudagnar mandats supplementars. Avant la separaziun aveva la pps 33 mandats (2002) e 32 mandats (2006). Suenter modests quatter mandats (2010) èsi puspe i ensi cun la pps che ha cuntanschi 2014 nov mandats. Betg pli da la partida èn Domenic Toutsch, Andreas Davaz e Cristian Mathis. Cuira ha nominà sper il vigl Beath Nay cun Walter Hegner, Urs Rettich e Mario Cortesi gist trais novs. En Engiadina Auta candideschan sper Mario Salis (vigl) era Gian Marco Tomaschett e Samuel Schäfli da nov.

En ils Tschintg Vitgs candidescha sper il vigl Jan Koch, Agnes Brandenburger e Roman Hug da nov Ueli Günthard. A Tavau vulan dus novs, numnadain Valérie Favre Accola e Conrad Stiffler ir en il parlament. En la Foppa emprova Renatus Casutt in'ulteriura giada sia fortuna. Novs candidats ha la pps dentant era nominà a Jenaz, Claustra, Cuvlignas e Maiavilla, Razén, Suot Tasna e Trin.

## Otg demissions tar la gronda fracziun da la pld

La pld è oz cun 35 mandats la pli gronda fracziun en il cussegl grond. Quai n'è betg adina stà uschia. La pld è creschida da 29 mandats (2002) sin 33 mandats (2006) per cuntanscher ses zenit da 38 mandats (2010). Demissionà a la fin da

la perioda han otg persunas, numnadain Claudia Troncana, Christian Hartmann, Leta Steck, Phillip Gunzinger, Walter Vetsch, Karl Heiz, Markus Clavadetscher e Ruedi Burkhardt. Era Jürg Pfister che ha già ertà la sutga da cusseglier naziunal Duri Campell na candidescha betg pli. A recandidar vegnan pia 28 vigls, tranter quels era Lorenz Alig en il cumina da la Foppa. Mintgamai dus nums ha la pld nominà en ils Tschintg Vitgs, trais novs en Engiadina Auta.

Tenor la nova scheffa da fracziun Vera Stiffler vul la pld restar la gronda fracziun ed ella spera ch'els candidats vegls che stattan a disposiziun vegnian elegids. Tenor pussaivladad vuless ins cuntanscher in augment dals sezs. En Partenz, en ils Tschintg Vitgs ed en Engiadina Auta stat la pld en ferma concorrenza cun la pps e la pbd.

## Prominentas demissions tar la fracziun socialdemocratica

L'ultima giada (2014) ha la fracziun socialdemocratica pudì augmentar questa giada ses dumber da 12 sin 15 ed ha uschia cuntanschi in nov record.

Era la ps sto registrar intginas prominentas demissions. Uschia renunzia Peter Peyer che candidescha per la regenza ad ina candidatura sco deputà. Annunzià sia demission ha era Jon Pult che vegn probabel a focussar sia activitad futura sin champ naziunal. Era l'antieriura presidenta dal cussegl grond Christiane Bucher e Johannes Pfenninger na candideschan betg pli. A Cuira candideschan il cusseglier da la citad Patrik Degiacomi e Silvia Hofmann e Lukas Horrer da nov. Er en Tumleatga ed ad Aschera (Schiers) sa stenta la ps d'occupar il sez vacant per vi da la demission. A Razén vul la ps acquistar cun Silvia Bisculm in ulteriur segund mandat sper quel da Bea Baselgia. A Maiavilla candidescha l'antieriur vicedirectur da WWF Svizra Kaspar Schuler.

Tenor il nov schef da fracziun Conrardin Caviezel vul la ps cuntanscher questa giada il meglier resultat da sia istorgia e preferescha per quest intent cunzunt candidaturas da dunnas e da giuvenns.

## Demissions gia enconuscentas

### Fracziun liberaldemocratica (pld)

Claudia Troncana (Engiadina Auta), Christian Hartmann, (Engiadina Auta), Leta Steck (Ramosch), Phillip Gunzinger (Suot Tasna), Walter Vetsch (Jenaz), Karl Heiz (Puschlav), Markus Clavadetscher (Tumleatga), Jürg Pfister (Engiadina Auta) e Ruedi Burkhardt (Tusaun).

### Fracziun cristiandemocratica (pcd)

Heinrich Berther (Cadi), Daniel Blumenthal (Lumnezia), Aurelio Casanova (Foppa), Ervin Degonda (Cadi), Mar-

grit Darms (Foppa), Vitus Dermont (Foppa), Hans Geisseler (Tschintg Vitgs), Beat Niederer (Tschintg Vitgs), Elmar Foppa (Razén), Theo Joos (Razén).

### Fracziun burgais-democratica pbd

Christiano Pedrini (Mesocco), Monika Loretz-Meuli (Valrain), Robert Heinz (Avras), Ueli Bleiker (Tumleatga), Elisabeth Mani-Heldstab (Tavau), Roger Vetsch (Claustra), Andreas Felix (Tschintg Vitgs), Leo Jecker (Tschintg Vitgs), Heinz Dudli (Tschintg Vitgs),

Paul Komminot (Maiavilla), Ernst Casty (Cuira), Andy Kollegger (Cuira), Felix Koch (Trin).

### Fracziun socialdemocratica

Peter Peyer (Trin), Johannes Pfenninger (Tumleatga), Christiane Bucher (Cuira), Jon Pult (Cuira), Christoff Jaag (Aschera).

### Fracziun populara svizra pps

Domenic Toutsch (Sur Tasna), Andrea Davaz (Maiavilla), Christian Mathis (Cuvlignas).